

## يماي العين إليك يحسين نصب ماتم العبره

\*\*\*\*

عاشورك لفي يحسين داممي بالسما اهلاله  
جمره وتلهب بكل عين تهممي ادموع سـياله  
ليل النايبات يحسين ربي يعلم اهواله

قوس الثاكلات يلوح يكسر خاطر المجروح عالي بالثرى مطروح  
حوله صحبته الطيبين وأهله وجملة اطفاله

على الرمضه تجي ترضه خيل من العدا عشره

\*\*\*\*

نقري (بفاتحة) لجراح لَمَن شاففت العسكر  
زينب والحزن ذباح جفن ودمعه ما يفتـر  
تنظر في الوغى أشباح تحمل صارم وخنجر

غامت تجذب الأنفاس ظلت شابكه اعلى الراس ليش اتجمعت هـ(الناس)  
كلبي والله مو مرتاح من بانـت نوايا الشر

ابو اليمه لفي بهمه ضمها بحزنه لصدـره

\*\*\*\*

شفت بصـدرك (القرآن) تتـزف مُحكَم آياته  
تبـجي (سورة الدخان) ترثي لحـال خيماته  
كل نبضة من الشريان ترسم حزنه وآهاته

ناحت (سورة التوحيد) تبدي بالشجن وتعيد ما ملت من التريد

أحلف بالنبى عطشان طفلي ذابله اشـفاته

وتجي النبـله على غـله بنـحـره والأبـو ينظـره

\*\*\*\*

## يماي العين إليك يحسين ن نصب ماتم العبره

\*\*\*\*

نهر (الكوثر) الفياض      دلالة العطش (فاطر)  
يحمي بسيفه الأعراض      وحده بعياته حابر  
يسمع تجرحه الألفاض      لكن بالجرى صابر  
أهموم (الجائيه) بقلبه      صعبه وشكثر صعبه      يكفي وحشة الغربه  
عزمه ما فتر ما غاض      تشهد وگعة العاشر

## و(زَمَز) أجالف بعدد (لحقاف) حوله بساعة الغدره

\*\*\*\*

ظل فوق الثرى ممدود      من سهم الغدر صابه  
(مريم) تتدبه وي (هود)      (طه) دموعه سجايه  
(موسى) يبجي وي (داوود)      (نوح) جفوننه لهابه  
(يونس) يرثي لحاله      (عيسى) دموعه هماله      و(يوسف) ينظر اطفاله  
ظلت بالدموع اتجود      تتعى حسين واصحابه

## وبلا (أعراف) شمر ما خاف كبه وظل يحز نحره

\*\*\*\*

(بسمَل) جرحك بالدموم      كل قطره صفت (سوره)  
(فرقان) بك بگى لليوم      تهدي العالم أسطوره  
للمقهـور وللمظـوم      منهج يرسم الثوره  
(شمس) وتعرف (بالنور)      (نجم) ويرتفع (بالطور)      فوگه (العاديات) تدور  
يا ملفى لكل محروم      (كهف) اللاجي وسوره

## هوت (حزاب) (فجر)ها غاب نلنا بدرسك العبره